



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O IMENOVANJU PRAVOBRANIOCA
PRAVOBRANILAŠTVA GRADA SARAJEVA
(Prijedlog)

Predlagač: Gradonačelnica
Obrađivač: Stručna služba gradonačelnice
Grada Sarajeva

Sarajevo, mart 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo”, broj 34708 – prečišćeni tekst), člana 45. Zakona o pravobranilaštvu („Službene novine Kantona Sarajevo”, broj 33/08 – novi prečišćeni tekst, 7/12 i 44/16) i člana 16. Odluke o osnivanju Pravobranilaštva Grada Sarajeva („Službene novine Kantona Sarajevo”, br. 20/10, 30/15 i 12/17), Gradsko Vijeće Grada Sarajeva, na __. sjednici održanoj __. __. 2022. godine, donosi:

(Prijedlog)

**ODLUKU
O IMENOVANJU PRAVOBRANIOCA
PRAVOBRANILAŠTVA GRADA SARAJEVA**

Član 1.

ADMIR JUSUFBEGOVIĆ, iz Sarajeva, imenuje se za pravobranioca Pravobranilaštva Grada Sarajeva na period od 4 (četiri) godine.

Član 2.

Ova odluka stupa na snagu narednog dana od dana objavljivanja u „Službenim novinama Kantona Sarajevo”, a primjenjuje se od __. __. 2022. godine.

PREDSJEDAVALAČI GRADSKOG VIJEĆA

Jasmin Ademović

Broj:
Sarajevo, __. __. 2022. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 45. Zakona o pravobranilaštvu („Službene novine Kantona Sarajevo”, broj 33/08 – novi prečišćeni tekst, 7/12 i 44/16), kojim je propisano da Gradskog, odnosno općinskog pravobranioca i njegovog zamjenika imenuje i smjenjuje Gradsko, odnosno općinsko vijeće, na prijedlog gradonačelnika, odnosno općinskog načelnika. Na prijedlog gradonačelnika, odnosno općinskog načelnika, organ iz prethodnog stava odlučuje i o udaljenju od vršenja službe, o izuzeću i o ostavci gradskog, odnosno općinskog pravobranioca i njegovog zamjenika. Pravni osnov za donošenje ove Odluke sadržan je i u članu 16. stav 1. Odluke o osnivanju pravobranilaštva Grada Sarajeva, kojim je propisano da pravobranioca i zamjenika pravobranioca imenuje i smjenjuje Gradsko vijeće, na prijedlog gradonačelnika, te u članu 26. stav 1. tačka 2. Statuta Grada Sarajeva, kojim je propisano da Gradsko Vijeće donosi odluke, druge propise i opće akte i daje njihovo tumačenje.

Donošenje Odluke je u direktnoj vezi i sa Preporukom Institucije ombudsmena za ljudska prava Bosne i Hercegovine, broj Ž-SA-05-1231/21 od 18.02.2022. godine, odnosno Preporukom gradonačelnici Sarajeva:

- Da u skladu sa gore iznesenim mišljenjem, kao odgovorni javni službenik, osigura postupak imenovanja po Javnom oglasu od 29.09.2021. godine, a u skladu sa članom 12. stav 3. Zakona o ministarskim, vladinim i drugim imenovanjima Federacije BiH.
- Da u roku od 30 dana od prijema Preporuke, Instituciji ombudsmena dostavi odgovor o realizaciji date preporuke.”

RAZLOZI DONOŠENJA

U skladu sa članom 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH”, br. 12/03, 34/03 i 65/13), objavljen je Javni oglas za izbor i imenovanje pravobranioca Pravobranilaštva Grada Sarajeva („Službene novine Federacije BiH”, broj 77/21), a u skladu sa članom 16. Odluke o osnivanju Pravobranilaštva Grada Sarajeva u kojem je propisano da pravobranioca i zamjenika pravobranioca imenuje i smjenjuje Gradsko Vijeće na prijedlog gradonačelnice.

Komisija za izbor i imenovanja Gradskog vijeća Grada Sarajeva provela je proceduru izbora pravobranioca Pravobranilaštva Grada Sarajeva, koja je u skladu sa odredbama Zakona o ministarskim, vladinim i drugim imenovanjima Federacije BiH.

Izvršenim uvidom u Izvještaj Komisije za izbor i imenovanja Gradskog vijeća Grada Sarajeva, broj 04-GV-02-1372-1/21 od 02.11.2021. godine, a koji je gradonačelnici Grada Sarajeva dostavljen Dopisom broj 01-GV-04-1381/21 od 02.11.2021. godine, utvrđeno je sljedeće:

Po Javnom oglasu za izbor i imenovanje pravobranioca Pravobranilaštva Grada Sarajeva, objavljenom u „Službenim novinama Federacije BiH”, broj 77/21, dnevnom listu „Dnevni avaz” i web stranici Grada Sarajeva, dana 29.09.2021. godine pristiglo je sedam (7) prijava. Komisija je uvidom u dostavljenu dokumentaciju kandidata ustanovila da je svih sedam (7) pristiglih prijava dostavljeno blagovremeno i potpuno te da će se sa svim prijavljenim kandidatima obaviti intervju.

Komisija za izbor i imenovanja Gradskog vijeća Grada Sarajeva, na 15. sjednici održanoj 02.11.2021. godine, razmatrala je obavljeni Intervju sa kandidatima prijavljenim na Javni oglas za izbor i imenovanje pravobranioca Pravobranilaštva Grada Sarajeva, objavljen u „Službenim novinama Federacije BiH”, broj 77/21. U podnesenom Izvještaju, broj 04-GV-02-1372-1/21 od 02.11.2021. godine, Komisija za izbor i imenovanja Gradskog vijeća Grada Sarajeva utvrdila je preporuku sa rang listom najboljih kandidata (lista uspješnih kandidata sa ostvarenim najvećim brojem bodova) koja je

dostavljena na daljnje razmatranje, odnosno konačni izbor prijedloga kandidata za imenovanje na poziciju pravobranioca Pravobranilaštva Grada Sarajeva, kako slijedi:

Nakon provedene procedure, dostavljanja pismene preporuke i rang liste sa najboljim kandidatima od strane Komisije za izbor i imenovanja Gradskog vijeća Grada Sarajeva, gradonačelnica Grada Sarajeva je na Devetoj sjednici Gradskog vijeća Grada Sarajeva, održanoj 01.12.2021. godine, predložila kandidata koji je od strane Komisije za izbor i imenovanja Gradskog vijeća Grada Sarajeva predložen kao prvi na rang listi sa ostvarenim najvećim brojem bodova, Destana Hodžića i uz prijedlog je dostavljena kao prilog cjelokupna relevantna dokumentacija.

Navedeni prijedlog je razmatran na Devetoj sjednici Gradskog vijeća i isti nije dobio potrebnu većinu te konačno imenovanje pravobranioca Grada Sarajeva nije izvršeno.

Postupajući po žalbi Destana Hodžića, izjavljenoj Instituciji ombudsmena za ljudska prava Bosne i Hercegovine, dana 10.12.2021. godine, Ombudsmeni BiH su dali Preporuku broj Ž-SA-05-1231/21 od 18.02.2022. godine.

Prilog: Preporuka broj Ž-SA-05-1231/21 od 18.02.2022. godine.

Izdatoj Preporuci prethodila su izjašnjenja na navode žalbe imenovanog nadležnih organa Grada Sarajeva pa i izjašnjenje gradonačelnice Grada Sarajeva

Prilog: Izjašnjenje broj 01/13-02-92-2/21 od 14.01.2021. godine.

U poglavlju V. citirane Preporuke – NALAZ I ZAKLJUČAK, navedeno je, između ostalog, i sljedeće:

„S obzirom na veliku odgovornost koju nosi radno mjesto pravobranioca Grada Sarajeva Ombudsmeni BiH pozdravljaju namjeru za propisivanjem jasnijih i konkretnijih kriterija za izbor pravobranioca, međutim u konkretnom slučaju s obzirom da je 7 (sedam) kandidata zadovoljilo trenutno propisane kriterije i nalaze se na rang listi kandidata te je odgovornost javnog službenika da osigura da preostali kandidati sa liste budu razmatrani za imenovanje... čime bi procedura konačnog imenovanja bila provedena u skladu sa Zakonom o ministarskim, vladinim i drugim imenovanjima Federacije BiH čime bi svi kandidati koji ispunjavaju uslove Javnog konkursa bili stavljeni u ravnopravan položaj”.

U Preporuci, isto Poglavlje, je naznačen i stav Ombudsmena da prilikom imenovanja pravobranioca Grada Sarajeva, procedura imenovanja nije izvršena u skladu sa članom 12. Zakona o ministarskim, vladinim i drugim imenovanjima, a što, po njihovom mišljenju, ukazuje na kršenje principa zakonitosti iz člana 3. Zakona.

Tako je u skladu sa članom 32. Zakona o ombudsmenu za ljudska prava Bosne i Hercegovine i članom 16. Zakona o ministarskim, vladinim i drugim imenovanjima, data Preporuka gradonačelnici Grada Sarajeva:

- „Da u skladu sa gore iznesenim mišljenjem, kao odgovorni javni službenik, osigura postupak imenovanja po Javnom oglasu od 29.09.2021. godine, a u skladu sa članom 12. stav 3. Zakona o ministarskim, vladinim i drugim imenovanjima Federacije BiH.
- Da u roku od 30 dana od prijema Preporuke, Instituciji ombudsmena dostavi odgovor o realizaciji date preporuke.”

Postupajući po Preporuci Institucije ombudsmena za ljudska prava Bosne i Hercegovine, gradonačelnica Grada Sarajeva upućuje Prijedlog Odluke Gradskom vijeću Grada Sarajeva da se za pravobranioca pravobranilaštva Grada Sarajevo imenuje Admir Jusufbegović, drugorangirani kandidat na rang listi najboljih kandidata koji je bodovan sa ukupno 97 bodova od strane nadležne Komisije za izbor i imenovanja Gradskog vijeća Grada Sarajeva.

Prijedlog se dostavlja na razmatranje i odlučivanje, a na koji način će se identično postupiti i sa preostalim kandidatima sa liste uspješnih kandidata za izbor i imenovanje pravobranioca Grada Sarajevo, sve u skladu i poštujući navode Preporuke Ombudsmena BiH.

Prilog: CV predloženog kandidata

FINANSIJSKA SREDSTVA

Finansijska sredstva potrebna za realizaciju ove odluke obezbijedena su u Budžetu Grada Sarajeva za 2022. godinu.